



DECRETO DA ALCALDÍA

**Asunto: Aprobación de subvención nominativa coa Escola de Fútbol Irmandiños
Expediente 205/2024**

Antecedentes administrativos

Con data do 29-12-2024 publicouse o anuncio de aprobación definitiva do orzamento deste Concello de As Somozas para 2024. Na súa base de execución 40ª, relativa a subvencións, inclúense as subvencións nominativas que se prevé conceder durante este exercicio a diferentes entidades sen ánimo de lucro. Entre elas figura á Escola de Fútbol Irmandiños (EF Irmandiños), cun importe máximo previsto de 6.500,00 €, con cargo á aplicación orzamentaria 334.480.00

O plan estratéxico de subvencions 2024-2026 do Concello de As Somozas foi publicado no BOP 03.01.2024

A entidade presentou no rexistro do Concello, con data do 05-04-2024, solicitude de sinatura do convenio previsto no orzamento municipal, para poder facer fronte ás obrigas económicas derivadas da súa actividade en materia cultural, deportiva e veciñal.

Lexilación aplicable

- Lei 7/1985 de bases de réxime local
- Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.
- Lei 9/2007, de 13 de xuño, de subvencións de Galicia,
- Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia,
- Lei 38/2003 de 17 de novembro, Xeneral de Subvencións
- Lei 3/2012, de 2 de abril, do deporte de Galicia.
- Lei 19/2013, do 9 de decembro, de transparencia, acceso á información pública e bo goberno.

Vistos os referidos antecedentes, e en exercicio das competencias atribuídas á Alcaldía na lexislación vixente, mediante o presente **RESOLVO**:

Primeiro- Aprobar o gasto por importe de 6,500,00 euros con cargo a aplicación presupostaria 334.480,00 do vixente presuposto municipal como achega para o financiamento do Convenio de colaboración entre o Concello de As Somozas e a Escola de Fútbol Irmandiños para 2024 que formaliza a subvención nominativa que figura nas bases de execucion do presuposto municipal do ano 2024. O primeiro pago do importe da subvención terá carácter de anticipo prepagable a xustificar polo beneficiario da subvención. Os datos da subvención aprobada recollense no Plan extratéxico de subvencions 2004-2026 co seguinte detalle :

Entidade beneficiaria	Escola de fútbol Irmandiños .2024
Plan Estratéxico de Subvencións no que se integra	Plan estratéxico de subvencions do concello de As Somozas 2024-2026. BOP 03.01.2024Liña 2:subvencións en materia de fomento do deporte
Obxectivos que se logran coa concesión da subvención	Apoiar a realización de proxectos e actividades deportivas entre toda a poboación para poder levar unha vida saudable así com



	realización de eventos e competicións deportivas no concello que dinamicen as actividades económicas locais .
Motivación da subvención	Fomento do deporte e a vida saudable

Segundo: Aprobar o convenio de colaboración entre o Concello das Somozas e a Escola de Fútbol Irmandiños 2024 co contido que se establece no anexo deste decreto e notificarlle este acordo a parte interesada e proceder a sinatura conxunta do documento .

Terceiro:Publicar os datos desta Resolucion na Base Nacional de Subvencions (BNDS) asi como no portal da transparencia do Concello de As Somozas ao abiero do establecido no artigo 8 da Lei 19/2013 de transparencia e bo goberno.

Anexo I:CONVENIO DE COLABORACIÓN ENTRE O CONCELLO DAS SOMOZAS E A ESCOLA DE FÚTBOL IRMANDIÑOS 2024
REUNIDOS:

Dunha parte Juan Alonso Tembrás, Alcalde-presidente do Concello das Somozas, asistido pola secretaria do concello, Paula Díaz Tie, que actúa como fedataria da formalización do presente convenio.

Doutra parte Alberto Todosantos Serantes, con DNI XXX6613XXX, actuando en representación da Escola de Fútbol Irmandiños (EF Irmandiños), con CIF G02892941, inscrita no Rexistro Municipal de Asociacións co número 04, na súa condición de presidente da mesma,

EXPOÑEN:

Que a EF Irmandiños e o Concello de As Somozas pretenden, ámbalas dúas entidades, o fomento da práctica deportiva entre os veciños do concello, especialmente na idade escolar, tendo en conta todos os beneficios que implica a actividade deportiva, dende a saúde ata o desenvolvemento da personalidade e a educación en valores..

Que o Concello de As Somozas ten a vontade de colaborar na actividade da EF Irmandiños contribuíndo ó financiamento das actividades propias dunha escola de fútbol que agrupa aos nenos e nenas dos concellos de, Cerdido, As Somozas, San Sadurniño e Moeche para a práctica do fútbol e que contribúe a tecer redes e relacións entre a poboación en idade escolar dos catro concellos .

Que a Base 40ª de Execución do Orzamento deste Concello para 2024, denominada “Subvencións”, recolle expresamente a previsión de concesión de varias subvencións nominativas, entre elas unha destinada á EF Irmandiños, cun importe máximo previsto de 6.500,00 €, con cargo á aplicación orzamentaria 2024-334-480-00. Esta subvención esta incluída no Plan estratéxico de subvencións do concello de As Somozas, publicado no BOP 03/01/2024 . Liña 2.subvencións en materia de fomento do deporte

En vista do antedito, ambas as partes acordan as seguintes **CLÁUSULAS:**

PRIMEIRA.O Concello de As Somozas e a Escola de Fútbol Irmandiños amosan a súa intención de colaborar na organización e financiamento de actividades deportivas asi como a escola de fútbol e na realización de tódalas actuacións que se considere que supoñan beneficios para os veciños do Concello en xeral.



As previsións de actividades da EF Irmandiños para o presente ano 2024 figuran no orzamento e no programa de actuacións presentados por esa entidade na súa solicitude centrándose na participación na competicións oficial de fútbol durante o ano 2024.

SEGUNDA Concello de As Somozas comprométese a:

- Realizar durante o ano 2024 unha achega económica por un importe máximo de 6.500,00 euros, en concepto de axuda para sufragar os gastos ocasionados polos compromisos adquiridos pola EF Irmandiños, en execución do seu programa de actividades para 2024, e relacionados na cláusula cuarta do presente convenio.
- Facilitar a actividade da EF Irmandiños e o seu acceso ás instalacións e dependencias municipais que poida precisar para o exercicio das súas funcións, con respecto en todo caso á legalidade vixente.

TERCEIRA. O pagamento da achega indicada na cláusula anterior será aprobado pola Alcaldía, de acordo co seguinte detalle:

- A metade do importe da axuda (3.250,00 €) aboarase tras a sinatura do presente convenio.
- O importe restante (3.250,00 €) farase efectivo unha vez xustificado o primeiro pagamento e xustificado a cantidade total concedida .

Esta subvención é compatibilidade con outras subvencións, axudas, ingresos ou recursos para a mesma finalidade, procedentes de calquera Administracións ou entes públicos ou privados, nacionais, da Unión Europea ou de organismos internacionais. O importe dos gastos xustificandos debe ser como mínimo o da suma de todas as axudas económicas recibidas pola EF Irmandiños no presente exercicio 2024

A xustificación final da axuda deberá realizarse antes do 29 de novembro de 2024, podendo ser ampliado o prazo previa petición razoada e por causas xustificadas.

Para a xustificación da subvención, a entidade beneficiaria deberá presentar a conta xustificativa da subvención coa presentación da seguinte documentación :

- 1.- Declaración responsable segundo o modelo que figura como anexo a este convenio .
- 2.- Unha memoria de actuacións,, con indicación das actividades realizadas, dos resultados obtidos onde se indiquen número de nenos e nenas que participaron nas actividades, cronoloxía das competicións e resultados obtidos .
- 3.- Copia das facturas que se presenten como xustificantes, deberán corresponder con gastos directamente relacionados coas actividades subvencionadas e deberán vir acompañadas do correspondente xustificante bancario de pagamento. Non se admiten xustificantes de pago en metálico .
- 4.- Xustificante gráfico da publicidade realizada da colaboración económica do Concello de As Somozas para a realización das actividades .Admitense a publicidade coa rotulacións en roupa, equipamento deportivo, carteis e demais documentación promocional e material utilizado no desenvolvemento da actividade subvencionada que se realice coa colaboración deste concello.
- 5.- Certificados de estar ó corrente coas súas obrigas tributarias co Estado, coa Xunta de Galicia e coa Seguridade Social conforme o disposto no artigo 10 do Decreto 11/2009, de 8 de xaneiro,



que se aproba o Regulamento da Lei 9/2007, de 13 de xuño, de subvencións de Galicia. O concello de As Somozas comprobará de oficio que a entidade beneficiaria non é deudora da facenda municipal.

No suposto de que non se presente a xustificación polo importe esixido procederase á minoración proporcional da subvención concedida, esixindo á EF Irmandiños o reintegro da cantidade correspondente, no seu caso.

A presentación da xustificación deste convenio fóra de prazo, logo de recibir o correspondente requirimento, suporá a imposición das seguintes sancións:

- Presentación da documentación xustificativa no prazo de 15 días posteriores ao requirimento do Concello, tras a finalización do prazo establecido na convocatoria: redución do 15 % da cantidade recollida neste convenio.
- A non presentación da documentación xustificativa no prazo indicado no parágrafo anterior dará lugar á perda total do importe recollido neste convenio, coa conseguinte obriga de devolución das cantidades percibidas como anticipo, se é o caso.

CUARTA.As obrigacións da EF Irmandiños serán as establecidas no artigo 11 da Lei 9/2007, de 13 de xuño, de Subvencións de Galicia, e en concreto ao cumprimento das seguintes obrigacións específicas:

- Desenvolver a actividade deportiva dentro da escola de fútbol ao longo do exercicio 2024, e participar nas competicións oficiais nas temporadas 2023-2024 e 2024-2025, realizándose estas competicións nas instalacións do Concello de As Somozas polo menos unha vez ao mes .
- Continuar colaborando co Concello na organización de actividades deportivas de interese para a veciñanza e promocionar e fomentar a actividade deportiva do Fútbol entre a poboación de As Somozas en idade escolar .
- Presentar, dentro do prazo establecido no presente Convenio, conta xustificativa da subvención recibida, xunto coa documentación acreditativa das actividades realizadas, das comprendidas na memoria de actividades presentada, que incluírá facturas expedidas en legal forma comprensivas da totalidade dos gastos realizados, no modelo que forma parte do presente Convenio como Anexo.
- Presentar, a requirimento do Concello, toda a documentación que se considere precisa para acreditar o correcto destino da subvención concedida e as características das actividades realizadas.

QUINTA.O período de vixencia deste convenio comprende a presente anualidade de 2024.

SEXTA.O material publicitario que se realice relacionado coas actividades previstas no presente convenio, deberá facer constar de forma clara a colaboración do Concello de As Somozas incluíndo o logo do Concello. O incumprimento desta cláusula poderá constituír causa de rescisión do presente convenio.

SÉTIMA.Serán causas de resolución do presente convenio as seguintes:

- A desviación da axuda concedida para fins distintos dos que motivaron a súa concesión.
- O incumprimento por parte da asociación dos requisitos e obrigas establecidas neste convenio.
- As contempladas con carácter xeral, no artigo 37 da Lei xeral de subvencións.

No caso da resolución do convenio por mor das causas anteditas, a EF Irmandiños deberá proceder, no seu caso, ao reintegro dos fondos efectivamente aboados polo Concello,



esixencia dos xuros de demora correspondentes dende o momento do pagamento da axuda até a data en que se acorde a procedencia do reintegro.

OITAVA. Os compromisos establecidos para as partes nas cláusulas precedentes poderán ser revisados de mutuo acordo en caso que se considere oportuno.

E en proba da conformidade, ambas as partes subscriben este Convenio na data da sinatura electrónica, diante da Secretaria do Concello, que dará fe do acto."As Somozas, na data da sinatura electrónica.

ANEXO

CONTA XUSTIFICATIVA DE SUBVENCIÓN MUNICIPAL PARA 2024 ENTIDADE SOLICITANTE: EF IRMANDIÑOS

REXISTRO MUNICIPAL DE ASOCIACIÓNS Nº 04

Don/Dona _____, con documento de identidade nº _____ como representante da entidade _____, na súa condición de presidente/a da mesma, **DECLARO:**

A) Que se lle concedeu unha subvención nominativa, mediante convenio asinado con data do _____, para as actividades e/ou investimentos recollidos na solicitude oportunamente presentada, e que durante o periodo indicado nese convenio, realizáronse os gastos que se relacionan na seguinte conta xustificativa:

Número	Proveedor	CIF	Nº de factura	Concepto	Importe
o					
				TOTAL	

B) Que se xunta relación de facturas polo importe da subvención concedida, xunto cos xustificantes bancarios da efectiva realización dos pagamentos correspondentes.

C) Que os gastos que arriba se detallan son reais, foron aplicados ás finalidades para as que se concedeu a subvención e foron reflectidos nos libros contables da entidade.

D) Que á entidade á que represento lle foron concedidas, para as mesmas finalidades, as seguintes axudas ou subvencións:

Entidade concedente	Obxecto da axuda ou subvención	Importe €

E) Que o importe total das axudas ou subvencións recibidas en 2024 non superou o importe total dos gastos devengados.

F) Que se fixo a debida divulgación do financiamento por parte do Concello de As Somozas das actividades e investimentos subvencionados. Xúntase a efectos xustificativos un exemplar de toda a documentación impresa xerada polas actividades ou investimentos subvencionados.

G) Que a entidade á que represento está ó corrente coas súas obrigas tributarias co Estado, coa Xunta de Galicia e coa Seguridade Social, e non ten débedas de ningún tipo co Concello de As Somozas. Autorízase en calquera caso ó Concello de As Somozas a obter as certificacións necesarias desas Administracións Públicas no caso que este aprobado o convenio.

*colaboracion preciso .As Somozas, na data da sinatura electrónica.(Sinatura electrónica da
persoa representante)*

Asinada dixitalmente polo alcalde, Juan Alonso Tembrás, do que eu, secretaria-interventora municipal, Paula Díaz Tie, dou fe.

